

VANO YESU AAHIRWA KHWIIHANA



Yohani Oowaarya, kapiitulu 11, opacerya eversiikulu 18, kintthuna kosome.

Vano Opetania waahirakamelana n'o Yesrusalemu, ikisiro thanu:

Nto Ayuta anci-ene yaahirwa omukurunuxa murima Marta ni Maria, mwaha wa murokor'aya.

Marta, vaiwalyawe wira Yesu aahanle ophiya, aahirowa okumana: masi Maria aahanle akilanthi-ene owaani.

Vano Marta aahimwiirela Yesu, Pwiya, nyuwo mwaari vaava, murokor'aka khaakhwa.

Nave-tho koosuwela, wira hata naanaano vaava, sothene sinthun'anyu onvekela . . . Muluku, Muluku onimoovahani.

Yesu aahimuhimeerya wira, murokor'inyu onoohihimuwa.

Marta ahimwaakhula wira, miyo koosuwela wira onoohihimuwa nihiku n'ohihimuwa nookiserya.

Yesu aahimuhimeerya wira, Miyo ki ohihimuwa, ni . . . ekumi: ole onikaamini, hata anakhwaru, onookhala-tho mukumi:

Ni ole orina ekumi ni onikaamini miyo khankhwa-tho. Nyuwo munnaamini etthu ila?

Owo aahaakhula wira, Ayo, Pwiya: miyo kinnaamini wira nyuwo mwa Kristu, Mwaana a Muluku, aarowa orwa molumwenkuni. (Nto nkawehani yeeyo!)

Vano ahimyakaru siiso, aahivenya arowaka, omwiihana munn'awe Maria wiphiini, khumuhimeerya wira, Mwiiixuttihi ohoorwa, onoowiihanani.

² Nrowe nivekele. Tith'ihu a Wirimu, mulipiherye Masu awo mmurimani mwahu, ohiy'ula, okathi onooweherery'ahuni Nyuwo vano. Masu Anyu, murumeyi Anyu, ni mwaha, sothene sivahereriwe wa Nyuwo, mwa Nsina na Yesu Kristu. Amen.

Mukilaathiki.

³ Niwoko naka n'okhalela va weeserya waakhaliherya atthu a Muluku. Kahi vanci-enexa ovekela, ni owiixaatherya matata aretta, masi wira emusuwele Yesu Kristu eriyari ahu, Mwaana a Muluku eriyari ahu. Ohiy'ula ninrowa olavula mwah'ola: *Vano Yesu Aahirwa Khwiihana.*

4 Vano okathi ula hiyo onihimy'ahu, waari okathi w'oxankiha saana. Mwaatonko ene osoma ehantisi mwa makhalelo a Pwiy'ahu, ninnoona wira Owo aari mpatthani muulupale a mmirav'ola, Lasaro. Owo aari... Nuumala orowa Yosefe, ahiiso, Owo aahikhuma khurwa okhala ni Marta, Maria, ni Lasaro. Vano awo yaari axipatthani aalupale. Yaahikhalana... Owo aari ntoko pastore w'awo, m—Mpatthani eekeekhai. Ni yaanimupakelasa itthu s'owara, ekhasako y'owara, kookupali, enihimmwa siiso, ni yaari yoothanvwa yothene yooहितthiwa. Vano nto awo yaahimupakela itthu, okhala wira awo yaanimwaamini Yoowo. Yaari wira awo—awo yaahaamini ni yaahoono yeeyo. Awo yaahikhumasa mukereja, ni siiso, wira emutthareke Yoowo. Nto eyo yaari etthu yuulupale nihiku nle, yeeyo ehukumu aya vaaweryaney'aya okhala okhwa, o—okhuma—mo.

5 Masi, Yesu, Mutth'ula aarowa nno ni nno ntoko saahimmw'aya, okawanyaka ikereja saya, ni waahimiyana itthu soonanara anamukuttho aya, ni—ni sikina, Owo aahi—Owo aahaahononela vancipale, awo yuupuwela siiso. Ni—ni hata omuhimya Yoowo waamukhala wo—woomoliwa mpaani m'othukumana. Vano nto nyuwo mwakhuma mukereja, awo—awo yuupuwela wira khamwaarina hata—hata oreeriwa wira nvuluxiwe. Mwaahiireru mpantta wa nimosa wa maloko aya, ntoko aFarisi, aSatukhi, wala etthu siiso, khiwaakhala hata ovuluxiwa mwakhalaru ota wa yeeyo. Ni vakhala wira awo yaahikhalana ehaakhi, ihulelo, ni yaaniwerya owoomolani naanaanoru awo yathuna vale. Eyo yaari ile yaahimyas'aya aneene. Khivanxankiha Yesu ohimya wira, “Nyuwo, mwaha w'elimalelo anyu, mookhalaha Masu a Muluku ohikhalana efaita.” Munnona?

6 Nto vano eyo yoothikela-tho, 'okhala wira hiyo othene noosuwela wira ehantisi iyo enoothikela imaara kamosa-kamosa. Ni ti—ti yooxankiha ohimya, masi yaahihimmwa wira yaamutthikela, vano ehiireya-tho.

Hiyo ninnoona wira Yesu khuupuweleliwa etthu yooreera.

7 Imaara sinci-ene, atthu antthuna omulamula mutthu ohiniiraana n'awo. Nihiireke siiso. Hiyo pooti oheemereryana mmosa ni mukhw'awe, nave khunakhala eepatthani. Vaakhanle wira nkaawerya ohimweemererya mutthu, nave nlelo khunaphenta ni onvekelela, ni ohimweemererya mwa... n'uwo vootthariha Yolempwa, ni wa musuwelelo wooreera, weso nkinrowa omuhimyeerya hat'etthu. Miyo okathi wothene kinnitthuna oheemereryana n'uwo, v'epatthani, 'okhala wira kinnimphenta, ni miyo—miyo vekeekhai nkinthuna wira owo apweteye. Nto owo ohaana wira etthu emosaru ni miyo; hiyo khanintthuna opweteya. Ni nihaana ohelehela miyuupuwelo sahu nittharihaka ele Masu anihimy'aya. Masu akhale eekeekhai. Kahi eyaaminelo ahu wala miyuupuwelo

sahu, masi ele Owo onihimy'awe; kahi otaphulela w'omeekha, ele Masu ahimaly'aya paahi.

⁸ Ohiyu umosa, kaahiira etthu ni yaahala okhala ntoko oveeha, kookupali wira waari w'olyani wa voosiisu w'eministeeriyu voosiisu umosa. Miyo khimuhela Yesu moolamuliwani. Miyo khwira, "Siiso siiriw'aya okathi ule, enniiriwa olelo." Khino yaamukhala yooreera katthikela-ru voowaakuva, nakhalanaru okathi. Vano, miyo khwira, olelo ninnoona wira. . .

⁹ Mwa orehererya wa Lutero, owo, okathi wa yeeyo, owo iirale wira naxariya onookhala mwaha wo waamini. "Ole onaamini, owo, ti yoowo orina Eyo." Masi nihoona wira anci-ene yaahimya wira yaanaamini, nave khiyaarina Eyo.

¹⁰ Mahiku a—a John Wesley, vakhala wira yaanaakhela eparakha yanenli, awo yiihanaka, oreerhiwa, oreerhiwa voomalela, awo yaanihakalala n'ukhuwela. "Othene ale yaakhuwela, yaahikhalana Eyo." Masi khoona wira khayaarina. Anci-ene aya yaanikhuwela, nave khayaarina.

¹¹ Mahiku a Pentekosite, yiirale, "Vano wuuluuliwa wa soovaha ohoorwa, opatiiso wa Eroho. Ole onlavula ilavulelo, ookhalana Eyo." Ninnoona wira anci-ene yaanilavula ilavulelo, nave khayaarina.

¹² Vano eniiriwa, "Ahe, muhokorokho wa Eroho, ti Yeeyo ekhanle." Oh, nnari, kahi muhokorokho wa Eroho. Siyensiya a oKristu ookhalana eyo, yeeyo eri yoorika. . . Ophenta muhokorokho wa Eroho. Vano, awo aakhalana ophenta onvikana mutthu ti mutthu, nave annikhootta oMuluku wa Yesu Kristu; animwiihana profeta paahi, mutthu pure paahi. Munnona? Tivo, eyo kkena feita.

¹³ Mukihiye kikohe yeeyo minuutu mmosa paahi. Nrowe nimuhele Yesu moolamuliwani. Vano Muluku akilevelele mwaha wa nuulumo nla, vaplataforma, masi kinrowa okhala oomuvirikanya Owo minuutu mmosa paahi, wira kooruheni va Waarya. Munnona?

¹⁴ "Vano kookhalana nyuwo atthu va ohiy'ula; kinlavula ni nyuwo. Miyo. . ." (Waari ottuli wu nihiku nlo, okathi Yesu a oNasareti aary'awe elapo ya vathi.) "Miyo kinoorwa wa nyuwo, ni wira nivaanyihane ni nyuwo ninvirikanyaka mutth'ula, Yesu a oNasareti. Vano hiyo othene noosuwela wira Muluku ophentaa. Bibilia onihimya wira Owo ti yoowo. Vaareera, nto ophenta, Eroho ti ohiviruha pure, oreera murima, ovilela, wiisumaaliha ni sikina, n'uphenta. Vano kiniira, kintthuna kookoheni etthu. Ninrowa okuxa ele—ele ensuwel'ahu, muKristu.

¹⁵ "Nkanweheni namukuttho anyu ula mutokweene. Muhapwaapu awe apwaapu aya apwaapu aya yaari namukuttho. Owo aahaana oyariwa munihimoni mme mwa aLevi, wira akhale namukuttho. Ninnoona, vano,

owo khandthara makhalelo a mmiravo ntoko nyuwo akina mwiiraly'anyu. Exeeni eniir'awe? Owo onimwiiwaha, onkhala osulu iwe wira asomeke Masu, Masu a Muluku. Owo onoosoma, othana n'uhiyu, othana n'uhiyu, ohaana osuwela khula eleetera, khula nuulumo vasapalani. Owo ohaana osuwela ni murima. Owo—owo, yookhala etthu mwa yeeyo orin'awe osuwela.

16 “Vano nto, ohiya eyo, okathi atith'inyu n'ame anyu athelanne aya, t'ani aatakanxale ntoko iya ni mwaara? Namukuttho anyu mutokweene ooreera murima. T'ani aaruule w'atith'inyu okathi awo yaatthun'aya etthu ni yaalokihiw'aya musurukhu omatta waya, alipa-ooweemexeriwa yaarow'aya okuxa? T'ani aakhalihenrye? Namukuttho anyu mutokweene ni ooreera murima. T'ani aakhalihenrye ame anyu mpaani mme okathi awo yooyar'ayani? Namukuttho mutoweene ooreera murima. T'ani onrwa wa nyuwo mwaawereiwaka ni mwaatthunaka etthu? Namukuttho anyu mutokweene ooreera murima. T'ani ooreerinheni ni woovahereryani wa Muluku, ni oolyin'heni masoma nihiku naneethanu na mararu? Namukuttho anyu mutokweene ooreera murima. Okathi atith'inyu n'ame anyu yaahal'aya omwalana, t'ani awaataaninhe, khwaakhalihha vamosa? Namukuttho anyu mutokweene oreera murima. Wakhala mulattu w'anamaitthoko, t'ani ontharathara? Namukuttho anyu mutokweene ooreera murima. Vekeekhai.

17 “Vano namukutth'ola ooreera murima mutokweene onnisuwela wira Bibilia ohimnye wira Muluku ommutthuna mwaapwittipwitthi wira akhale mukuttho. Anci-ene a nyuwo alopwana mw'alipa a nakoso, tivo muhinhuw'anyu ipwittipwitthi, nnakhala vo Muluku onthuna epwittipwitthi. Awo yaahipaka makhoma kamosa-kamosa wu, yaatumiha ipwittipwitthi saya wira a—alipa a nakoso aroweke n'uthuma, evahaka mukuttho mwaha wa munep'aya, Muluku onthun'awe.

18 “Mmirav'ola iirale exeeni, oniihaniwa Yesu? Owo okhumme woowi? Ohimnye wira oyariwe, eyareliwo ni harus. T'ani otonko wiiwa etthu ene eyo y'ethiru? Hiyo noosuwela wira ame awe yaahikhalana owo awo ni Yosefe ehinatthi oyariwa, kiireke, awo ni Yosefe ehinatthi othelana, owo khuyariwa. Vano ninnoona wira owo orina n—owo orina nsina noonanara, opacerya wene.

19 “Ettikitti xeeni yo wira mpantta owo orin'awe? Vakhala wira Owo aari mutthu oothunku, nikhuru xeeni iitakanxaly'awe? Namukuttho anyu osommeene, khusoma, khusoma, khusoma, wira osuwele Masu awo; va owo onoorwa, opwexakasa etthu owo otenk'awe. Mwaamurowa wiihana yeeyo 'Muluku'? Vekeekhai nnari.

20 “Vano, nihiku nlo, okathi namukuttho anyu opakaly'awe nipuro nle osulu iwe, e...ni weiwo waarowa othummwa mukuttho, mmirav'ola iirale exeeni? Ereerelo murima? Owo

aahimana, khutakanxa mikhoyi kamosa-kamosa, iliinyu ni ikattakha kamosa-kamosa, khwaaweha atthu, onanariwe-ene; khuvaha nkhutaape meesa ale, khwaamanakasa aakumihaka vale. Nto nyuwo muniifana yeeyo mihokorokho sa Eroho, waaweha awo, onanarinweene? Ni, nkawehani, omukhottiherya mutthu okathi awe w'omukokhorela Yehova! Mulipa a nakoso onthuna omukokhorela Yoowo; owo khanihuwa ipwittipwitthi, vano aaronwe iwe wira athume. Vano Owo khupwanyula, khuvaha nkhutaape, khoomola.”

²¹ T'ani orina muhokorokho wa Eroho vo? Um-hum. Munnona? Eyo vo. Moone, kahi muhokorokho wa Eroho, kahi olavula ilavulelo, kahi okhuwelela.

²² Nyuwo muniira, “Vano, Munna Branham, t'evi ekhanle eyooniheryo? T'evi ekhanle eyooniheryo?” Olipiheriwa wa Masu m'okathi.

²³ Awo yaahikhalana Bibilia. Owo aari yeele Yehova aahimaly'awe wira yaamwiiraneya. Khentthuneya hata otaphuleliwa. Eyo yaahitaphulela vo. Vo yaaphwanyaneya anamukuttho aya, vale saari sothene awo yaarin'aya, ni sothene sikina voolimalela paahi ni sothene, masi nnakhala vo awo khayaawenrye woona Masu. Ni Owo aahikhaliha Masu ale okhala makumi wa okathi yoole. Eyo t'iyooniheryo y'okathi yoole.

²⁴ Lutero aahikhalana eyooniheryo y'okathi awe, Wesley y'okathi awe, Pentekosite y'okathi aya, masi hiyo nri okathi mukina. Itthu iyo ti sooreera. Masi ntoko mwanamwane, ookhalana ekatha, niitho, ni ephula, masi nuuvira okathi vakhani owo ohaana okhala mutthu. Owo ohaana okhala mwa—mwaana ookhoomala; vano oyariwa, okhalana munepa, erutthu, erooho, onniwerya weetta.

²⁵ Vano hiyo niinoona wira, sothene iya, Yesu aahihimya, nto vakhani paahi, yaale Owo aathokiheny'awe Ekumi khalayi ene, ti yaamoonale Owo. Kahi mittitthi suulupale; mittitthi Sawe khisaaweryaneya okhala ntoko mittitthi sa Kaifa. Vano, Kaifa aamuwerya othukumanya nloko nothene. Yesu aathukumanye vakhani paahi. Khiyaari anceene yaamusuwenle Owo. Imilyawu sene, okathi Owo aarwiiy'awe mulaponi, Owo aahivira mulaponi, nave awo nnakhala khiyaasuwenle wira Owo aari muumu.

²⁶ Siiso vanimwiiraneya-tho! Owo onrowa waarweela ale yihaneliwe Ekumi. Owo onnimusuwela t'ani oihaneliwe Ekumi. Vano Owo khonrowa . . . Owo mwah'Awe okhapelela yeeyo.

²⁷ Vano hiyo ninniweha wira nto awo yaahikhumasa mukereja, ni wira yaahimwaamini Yoowo. Sothene Masu yaahimmy'aya sa Yoowo, Owo aaphwanyaneya vale.

²⁸ Nto nihiku nimosa Owo khukhuma owannyaya. Kintthuna kilavule itthu ttharu: Yesu aahikhuma; okhwa waahiphya; nto

miroromelo sothene saahimala. Kintthuna kilavule itthu seiyo tthaaru minuutu vakhani.

²⁹ Yesu aahikhuma. Nto vakhumaly'awe, muxankiho khurwa. Vano Owo oohiyanru, wala etthoko anyu weiwo onkhal'anyuwo, muxankiho ori mphironi. Satana ookhalana mukhora woohuliweene okathi Yesu onkhum'awe.

³⁰ Owo aahirowa, vano ntoko—vano Owo amalakaru okhuma, nto okhwa khukela. Nto Yesu akhumaru, okhwa onookela. Wiivalaanya n'Uwo onkhala okhwa, tivo okhwa waakenle Yesu n'ukhuma.

³¹ Nto okhwa waanimwaattamela Lasaro. Vano nto Yoole awo yaamwaamini aya ni yaamphent'aya, awo yaahiruma wira Owo arwe anvekelele Lasaro, 'okhala wira awo yaahimooni ni yaanisuwela wira Owo aanimusuwela Muluku, wira, "Sothene, Muluku..." Marta oohimya yeeyo ottuli wu, "Sothene Nyuwo munimuhimeery'anyu Muluku naanaano va, Muluku onimwiira." Owo aahisuwela wira Ole ni Muluku yaari mmosaru. Owo aari Masu a okathi, tivo owo aahisuwela yeeyo. Ni owo aahisuwela wira, aawenrye-ru okumana ni Yoowo, masi Owo aahirowa n'awo khayaawerya okumanana. Vano awo khuruma wira aroweliwe, nto, ohiya orwa, Owo aatempe orowa ottaiwene. Vano nto awo khuruma-tho, nto, ohiya orwa, Owo khutepa orowa ottaiwene.

³² Imaara sikina hiyo ninniikoha mwaha wa xeeni itthu iyo okhumelelaka, masi Yoolempwa khenihimya wira, "Sothene sineettiheriwa vamosa wa mureerelo w'ale animphenta Muluku"? Owo onnisuwela etthu oniir'awe. Owo apisa vale, vaareera. Owo onnisuwela etthu oniir'awe. Naahikhala niwoko.

³³ Hiyo ninnoona wira Owo oohimya mwa Yohani Oowaarya 5:19, "Vekeekhayi, vekeekhayi, kinoohimeeryani wira, Mwaana khanwerya wira hat'etthu Meekh'awe, masi ele Owo oniwoon'awe Atithi yiiraka."

³⁴ Atithi yaaroomuleela wira Owo akhume, ni wira akhale ottaiwene mahiku manceene. Vamalenly'aya mahiku, vano Owo aahihimya etthu aahimaly'awe nto, wira, "Mpatthan'ihu Lasaro onoorupa."

Vano owo khwira, "Vano, owo ori saana."

³⁵ Owo khwira, "Owo ohookhwa. Ni mwaha wa nyuwo kooteeliwa murima Miyo ohikhala-wo." Okhala wira, awo yaamurowa otthuna omuroiha wa yoowo, wira anvonihe wala ohimya yaathuneya wira yiiriwe. Masi Owo aanisuwela etthu yaathuneya wira yiiriwe, tivo Owo aahiira ele aarummwaly'awe wira iire: okhala ottaiwene. Nyuwo mwanweha vale Owo vamahiye okathi otthink'awe. Owo aahimye yeeyo okathi otthink'awe khuphwanya etthoko ela.

36 Miroromelo sothene saahimala. Lasaro aahikhwa. Khula ewoora, awo yaanuupuwela, “Enamwi siiso Owo akele mwa yookhumelela ela. Enamwi siiso Owo akele mwa yookhumelela ela. Enamwi siiso atthike.” Vookiserya, owo khukhwa, ephumu yaahimuhiya.

37 Athu khurowa, khimuttikitthela soowunkhela, ekumihaka ephome mw'erutthuni mw'awe, khimuphapa valiinyuni, khimuttikitthela soowunkhela khimuhiya mmahiye, khuhela nluku vamahiye, yeeyo yaari olimalela waya w'ovithana mahiku ale. Muttupha vathi, khino vamwala paahi, khuhela nluku vasulu vaya, yeeyo waari olimalela waya.

38 Nihiku noopacerya khuvira, nihiku nanenli khuvira, nihiku naneeraru khuvira, nihiku naneexexe khuvira, mulopwan'owo aahipacerya wuntta mmahiye. Khino ephula awe yaahiphotowela. Eyo, kinoona wira t'itthu yoopacerya emphotowela, ephulaa. Ni owo aahintta. Eru—erutthu awe yaahitthikela mutthayani, w'elapo ya vathi, wala yaamutthika. Munep'awe waari nipuro nlo, mwa mukwaha wa mahiku maxexe waamukhumaly'aya.

39 Miroromelo sothene s'otthikela-tho omoona, mwa makhalelo ala, saahimala. Vano nto okathi miroromelo sothene simanly'aya. . . Awo yaahilipelela, “Khino Owo arwa vale nihiku noopacerya, nihiku nanenli!” Nnari. Vano owo khukhwa, n'Uwo khaarwiye. Nto ohiroromela waahikela.

40 Vaviraly'aya okathi vakhani khino aahikhala mutthu aamuhimenrye wira, “Mwiixuttihi ori vate.” Va onrwa ti Marta mphironi!

41 Yesu aarwiye okathi yoole wooriipela miroromelo sothene simanleene. Voolimaleleya owo p'ukathi Owo onrw'awe. Munnona? Owo onrwa okathi ene yoowo wooriipelaxa, nto Yesu onoorwa mwa yookhumelela.

42 Vano nwehe, Owo aahirwa khumwiihana Marta. Mukhalelo Awe waahiruaha miroromelo misya. Hata wira mmirav'owo aahikhwa, nlelo Mukhalelo Awe enniruuha nrromelo musya.

43 Khino siiso nyuwo mukilanthi-ene va ohiy'ula, mpatthani aka, vaavo mameetiku yochiyaly'ayani, ni kankuru, mukattyamiho wa murima. Khino vakhaterani va iroota, murakanleene, siyensiya othene ohimye wira kuuvo nrromelo wa nyuwo; murupa w'ekalsiyu woo—wookhalihha maphitto wawinyu—wawinyu—mmakhuvani mwanyu, mpakha vahinwery'anyu okhuna-tho. Wala, ahiiso yawinyu—murim'anyu ori woohononeya, meetiku onihimy'awe wira nyuwo pooti orowa okathi p'ukathi. Oh, nto makhuru manceene a aathu arina kankuru ni elapaha, khino nrromelo wookiserya mwaarin'anyu, ni enkhalo ntoko meetiku ohoonyanyalani. Nlelo, okhala mwa Mukhalelo ni osuwela Mukhalelo wa Yesu Kristu, onniruuha-tho miroromelo.

44 Khino mutthu pooti hata woohimeeryani yeeyo. Khino nyuwo khamunatoko wiiwa khalayi, masi mutthu ahimyaru wira, “Kooosuwela vari ekereja, awo annimwaamini Muluku ni annaavekelela aretta,” voowaakuva (Vano, nyuwo muhanle okhwa. Munnona?), miroromelo misya sinookhumelela. Kweekwe sinnikhumelela. Okathi ene yoowo wooriipela, voolimaleleya p’ukathi mutthu onooleel’aweni etthu ya yeeyo, onooleel’aweni sa Yesu. Mukhalelo Awe waahiruuha miroromelo misya.

45 Yiire etthu emosaru ohiy’ula, ntoko sairaly’aya nsana ohiyu. Okathi onoon’ahu Masu oolipiheriwa voohikhala hata ohoverya, asuwelihiwe, ni yooniheriwe wira Yesu *yoo*le aakhnle iyaakha imiya thanu na xexe sivinre, yoowo aakhwiye oKalvario, khuhihimuwa mmurotoni mwaya, khwaakhumelela awiixutti ale khutthukula maitho aya, khummana natiri ula a nihiku, ori vaava va ohiy’ula ohoolo wahu naanaano, vekeekhai eyo enooruua miroromelo mw’atthuni. Miroromelo misya sinnaarya.

46 Khino ookhala mutthu iirale, “Ekereja khereere wuuma mwa okathi mmosa. Hiyo khaninkhalana maasi ooriiry a mwa—mwa—mwa miyeeri kamosa-kamosa. Hiyo khaninkhalana muhakalaliho. Enkhala ntoko atthu othene t’oweemelaxa, wala etthu ekina. Ninrowa okereja paahi ni wiipa esipo, ni—ni wiiwa mitthaka kamosa-kamosa n’utthika.” Masi naanaanoru, nto, okathi ompacery’ahu okhala oowuuma, vano Yesu onoorwa mwa yookhumelela, khuniriiriha, khuniruuhelela etthu esya. Owo kweekwe ori vaavo wira aire yeeyo. Miroromelo misya sinimoorwa okathi—okathi Yesu onkel’awe. Mukhalelo Awe onniruuha nroromelo musya.

47 Owo aahisuwela wira Owo aari Masu ale owooniheriwa a Muluku. Owo aahoona okathi ule. Wala, vaahikhale siiso, owo nlelo aarowa okhala Ortotoksa. Owo nlelo aarowa wira mpantta w’ekereja. Masi owo aarimoona Masu ale yaalaihieriwe. Owo aarimoona Masu ale yaalaihieriwe wooniheriwa ni Yoowo ni aahisuwela wira Owo aari Masu yaale makumi. Nto vaiwaly’awe yeeyo, owo khaacanli akavi yaamuulumela, etthu p’itthu, owo aahikhuma arowaka wa Yoowo voowaakuva ntoko saawery’awe. Munnona? Aahisuwela wira Owo aari Masu yaale owooniheriwa.

48 Vekeekhai owo aahimusoma wahala a Eliya mahiku awe. Vano, owo aari Masu a Muluku owooniheriwa nihiku nle. Owo aari profeta, ni Masu a Apwiya animurweela profeta. Nto aahikhala muthiyana mmosa wu aarina mwaana mwaamukhaani aavahiw’awe ni eparakha profeta aamuvahaly’awe, owo khukhalana mwaana.

49 Nihiku nimos, voophiyaka ewoora yanamuloko n’emos, khino nsuwa naaroomopela. Owo aari omatta n’atithi awe,

Bibilia khohimnye wira waari, khohimnye wira waari woopa nsuwa, masi owo khupacerya wunla, “Muru aka! Muru aka!” voophiyaka ewoora yanamuloko n’emosa ya nihiku. Vano awo khumuruma murumeyi, atith’awe khumuruma, wira amuroihe owaani. Owo khummaathi ottuli w’ame awe mpakha othana eriyari, khutepererya awereiwaka awereiwaka, vookiserya khukhwa.

⁵⁰ Nto vano, ohiya ohiroromela, e...anamaitthoko othene yaanivolowa yinlaka ni yiiraka siiso, masi mai ule oolipa, mwan’awe aahikhwa, owo aamuroihale ekatthi ile yaamukhaani owo aamuvahaly’awe profeta, khumwaatalela voolilini wawe, *siiso*. Nto khimuhimeerya murumeyi awe, “Mukilikanyiherye mwaapuuru, muroweke vooheemela, ni muheemele voohikhala wira kinimooleelani.” Oh, wulu! Ti yeeyo!

⁵¹ Khanirina okathi wira nivaanyihane n’unyakulihana. Noovira nihiku nene nenlo. Nrowe nikelele ohoolo. Nihaana ophiya wu. Yookhala entthun’ahu.

⁵² Nto tivo owo khwira, “Rowakani, muheemele weetta wanyu voohikhala wira kinimoorumani.” Vano awo khurowa mpakha ophiya w’Eliya.

⁵³ Eliya, oryeene mutthu a Muluku, kahi ntoko Kristu; Kristu aanisuwela itthu sothene, ’okhala wira Owo aari Muluku. Eliya aari epantte ya Muluku. Ole aari Kristu mw’Eliya. Ni ole waari mutthaka w’okathi, okhala wira Masu a Apwiya a okathi ule yaari ni profeta yoowo.

⁵⁴ Yesu aari omalela wotheene wa maprofeta ale othene, khula mmosa a awo yaamooniherya Yoowo paahi. Ti yeeyo tu. Okhuma wu mwa Yosefe, okhuma musurukhu ule miloko miraru w’eparatha, mapuro othene, owo—owo aamoonihenrye Kristu. Nave-tho Moise!

⁵⁵ Davidi, okilanthi-ene ntoko mwene ookhooitiwa vasulu vamwaako, anlaka mwaha w’okhooitiwa. Iyaakha imiya thanu na tthaaru nuuvira yeeyo, Mwaana a Davidi aahikilaathi vamwaako. Ele yaari Eroho ya Kristu mwa Davidi wu. Nto Owo...Wulu! Owo aari soopiili Yoophuwa ni Osuulu wa Davidi. Nto tivo Owo aahikilaathi vamwaako, anlaka, ntoko Mwene ookhooitiwa, “Yerusalemu, Yerusalemu, imaara kavi kaatthunn’aka woophuramwelani, ntoko mwalyakhu n’axaan’awe.” Yaari exeeni? Aari Kristu ottuli wu.

⁵⁶ Aari Kristu anlaka okathi Davidi waalempy’awe esipo, “Muluku aka, mukinyanyalenleni? Makhuva Aka othene, awo annikiweha. Awo aathorola inawu Saka ni matata Aka. Awo aakawanya ikuwo saka yaaworu. Ahaaxerela ehako soowara Saka.” Ole aari Kristu alavulaka mwa Davidi. Ti yeeyo. Owo aari wooniheriwa wa Masu. Kristu aarwiye omaliherya itthu iye saahimmwe ni maprofeta, ’okhala wira Masu yaari ni maprofeta.

57 Owo oohimya eyo mwa nisomi na nsana ohiyu, wira Owo aarwiiye omaliherya iye maprofeta yaahimaly'aya sa Yoowo, 'okhala wira awo yaahikhalana Masu. Nto Eliya aari profeta a Muluku, Masu a nihiku nenle.

58 Tivo muthiyana a oSunami aahikhala ni profet'ole mpakha owo orwa khooniherya owerya wa Muluku, khummaathi vasulu va mwaana, vano mwaana khutthikela ekumi.

59 Vano Marta siiso aasuwenle ela, onamwi aarina muteko athhokihaka etthoko, arapihaka miyaapu, ni itthu sikina. Masi vale owo aahooniherya ele aakhanly'awe vekeekhai. Owo aahooniherya exeeni yaari mwa yoowo vekeekhai. Owo aahimurowela naanaanoru. Vakhala wira Muluku aari mw'Elia, Muluku aahaana okhala mwa Kristu, 'okhala wira Owo aahooniherya wira aari Mutthu yoole. Amen. Okisivela eyo, ominyala weiwo! Owo onrowa wa Yoowo. Aahaana ophiya wa Yoowo. Vano owo aahisuwela iwe, okathi ophiyaly'awe wa Yoowo—wa Yoowo; vano muupuwele, aahisuwela wira Owo khaatonko orukunuwa, wira Muluku khonrukunxa mutthokiheryo Awe. Vakhala wira Owo aari mw'Elia ni aaniwerya waahihimuxa alipa-ookhwa, Owo aari mwa Kristu ni aaniwerya waahihimuxa alipa-ookhwa, onamwi Owo ahiirale, 'okhala wira ti Muluku mmosaru.

60 Owo kharukununwe nlelo! Muluku ohiy'ula siiso ntoko otonko awe okhala. Owo mmosaru nsana, olelo, ni mahiku othene. Owo khanrukunuwa.

61 Ni Owo aahisuwela wira owo aahisuwela wira yaari mwa Yoowo. Nwehe, minuutu vakhani paahi yaahooniherya, okathi omuhimenry'awe Yoowo etthu mwaha wa murokor'awe, vano owo khwira, "Pwiya, miyo—miyo kinnaamini wira Nyuwo mwa yoowo."

62 Vano Owo khwira, "Miyo ki Ohihimuwa ni Ekumi. Hata akhwaaka, onookhala-tho mukumi. Ni ole orina ekumi ni onikaamini Miyo khankhwa-tho. MIYO KOOKHALA." Owo ti MIYO KOOKHALA aari vamwiiwani waavarela, ni Moise. "Miyo ki Ohihimuwa. Miyo ki Ekumi. Miyo kaari Exiri. Miyo nlelo ka Yoowo. Miyo ki Ohihimuwa ni Ekumi. Ole onikaamini Miyo, hata anakhwaru, onookhala mukumi. Ole orina ekumi ni onikaamini Miyo, khankhwa-tho." Vamanly'awe waakhela olipihwa nno wuulupale, wira Owo aari Masu yaalaiheriwe; okathi Owo ohimaly'awe, oryeene Profeta, Owo khaakhanle wootha; tivo Owo, vairaly'awe, "Miyo ka MIYO KOOKHALA. Miyo ka Yoole okhanle Ohihimuwa ni Ekumi."

63 Owo khwira, "Miyo kinnaamini wira Nyuwo mwa Yoowo, Mwaana a Muluku aatthuna orwa molumwenkuni. Onamwi murokor'aka akhwiyeene, aathaleliweene mme mmahiye, owo... erutthu awe enoosukumana vano; masi hata naanaano va, sothene Nyuwo munihimy'anyu, enimwiiraneya." Khweli!

64 Yothene aatthun'awe waari omwiiwa Owo ahimya! Amen. Oh, Marta, nri vayi hiyo ohiy'ula? "Muhimye Masu paahi; murumeyi aka onookhala mukumi!" Omwiiwa Owo ahimya yeeyo! Khino awo yaarimoorwa omuleela wira Owo aahihimya eyo, masi va Owo aari Mwaneene ene. O Muluku, mutthukule maitho ahinoona, wira ewerye woona! Okathi Owo, Ohoolo Wawe, alavula Masu, kweekwe annooniheriwa.

65 Owo iirale, "Sothene Nyuwo sintthun'anyu onvekela Muluku, Muluku onimoovahani. Mukihiye kiiwe paahi!" Owo aatthuna wira Owo ahimye Masu. Ti yeeyo tu owo aatthun'awe wiiwa. Waakhela Masu paahi, ti yeeyo tu aatthun'awe, waari omwiiwa Owo ohimya wira aamwiira.

66 Ni Owo aamwiira okathi ene yoowo, masi, moone, mwa yoowoona Atithi yaamoonihaly'aya, Owo aahaana weemela vamahiye. Oh, wulu! Mulipihe waamini wanyu! Muluku onvara itthu sothene oratteene. Sothene sinookhala saana. Aaroolipelela paahi mpakha ophiya vamahiye.

67 Nwehe, aawenrye-ru omwiiriha Owo ohimya eyo, hata okathi owo aary'awe nlelo. . . Miroromelo sothene simanleene, sothene voomalela. Owo aahikhwa, khunantta mmahiye, masi omwiiwa paahi Owo ahimya, ti yothene aatthun'awe.

68 Vano Owo vahimaly'awe wira, "Miyo ki Ohihimuwa ni Ekumi," owo aahaamini. Owo aahaamini. Vano nwehe, vano owo aahaana waamini itthu sihinweryaneya, okathi omwiiwaly'awe Owo wira, "Miyo ki Ohihimuwa ni Ekumi. Hata akhwaaka, onookhala mukumi, ni ole orina ekumi ni onikaamini Miyo khankhwa-tho." Khwira, "Nyuwo munnaamini etthu ila?"

69 Vano owo khwira, "Ayo, Pwiya, kinnaamini. Miyo kinnaamini wira Nyuwo mwa Mwaana a Muluku aarowa orwa molumwenkuni." Okisivela eyo. Okisivela eyo.

70 Miyo—miyo koohimya eyo khalayi. Ennitthikela okhalana efaita naanaano va. Miyo kaalavula ni muthiyana mmosa woohikhala khalayi, waari ekereja emosa miyo kihimmy'aka okathi vakhani ovinre, ehinaamini wira Owo aari Muluku, oMuluku Awe; Owo aari profeta paahi, mutthu pure.

71 Owo aari yeeyo, vekeekhai. Owo aari yeeyo, nave-tho Muluku. Moone, Owo aari wooniheriwa. Yesu ti erutthu, Mmiravo, Mulopwana; Muluku aari ile yaakhala mwa Yoowo. Muluku aari mwa Yoowo. Owo aari Muluku-mutthu. Owo aari Mutthu, nave-tho aari Muluku owoonihiriwa mw'erutthuni. Hiyo naamoonaka Yesu, nimmoona Muluku. Ti yeeyo Owo ohimmy'awe, "Mwaawoonaka Atithi. . . muniikona Miyo, muniwoona Atithi." Okhala wira, Owo aari wooneeleya, okhala wira Owo aari Masu, amen, yaari wopaceryani. Amen.

72 Owo aawiihanne maprofeta, "amuluku." Moosuwela yeeyo? Owo ohimye wira, "Nyuwo muniwiihana 'muluku' ale Masu

a Muluku anaarweel'aya. Munkilamula sayi Miyo kaahimyka wira, 'Miyo ka Mwaana a Muluku?'"

⁷³ Okhala wira, Masu yaawo yaahihimya wira Owo aarowa okhala vaavale, ni vale amphwanyaneya Masu owooniheriwatho. Nto nnakhala vo awo khayaaminni.

⁷⁴ Muthiyan'ola khukiirela, "Kinoowerya owooniheryani." Khwira, "Okisivela owiiwani mulaleyaka, masi yookhala etthu muhinreery'anyu wiiraxa."

"Ahe, exeeni iyo?"

Khwira, "Nyuwu khamunreere wiihimya ni Yesu."

⁷⁵ Miyo khwira, "Kinroromela wira ti yeeyo tu Owo orin'awe yookivirikanya okathi onrw'awe." Vano owo khwira. . . miyo khwira, "Kinroromela wira ti yeeyo tu Owo okhanly'awe, nthowa okhanly'awe oophwanyaka mwa miyo." Miyo khwira, "Kaakhalanne malumi ikonto muloko, nkaawerya olavula voophiyerya, oh, wulu, etthu Owo okhanly'awe!"

Owo khwira, "Masi, nyuwu, nyuwu mummukhaliha Mulukuu."

⁷⁶ Khwira, "Aari Yoowo. Weso, vakhala wira khaari Yoowo, aari namawoka muulupale olumwenku otonko aya okhalana."

Owo khwira, "Owo aari profetaa."

⁷⁷ Miyo khwira, "Owo aari Profetaa, eyo ekeekhaii: Muluku-profeta, omalela wa Masu. Profeta aarina Masu jaarwa wa yoowo, ti yeeyo enimukhaliha—enimukhaliha profeta. Masi Owo aari omalela wa Masu yaawo."

⁷⁸ Nto owo khwira, "Miyo kinoowerya owooniheryani." Khwira, "Nyuwu mummukhaliha a Muluku."

Miyo khwira, "Owo aari a Muluku."

Nto owo khwira, "Owo khaari a Muluku."

Miyo khwira, "Owo . . . Masi aari Yoowo."

Owo khwira, "Nyuwu muhimmye wira munnimwaamini Bibilia."

Miyo khwira, "Kinnimwaamini."

⁷⁹ Owo khwira, "Kinoowoniheryani, ni Bibilia anyu yoowo, wira Owo khaari a Muluku."

⁸⁰ Miyo khwira, "Mwiire. Vakhala wira Bibilia onihimya siiso, nto kinimwaamini, 'okhala wira kinnaamini wira Masu aakhalana exariya."

⁸¹ Owo khwira, "Arowaka vamahiye va Lasaro, munnuupuwela yeeyo mwa Yohani Oowaarya 11?"

Miyo khwira, "Vekeekhai, muhano."

⁸² Khwira, "Ahe, vano, mphironi, Owo aahinla. Bibilia ohimmye wira, 'Owo aahinla.'"

Miyo khwira, “Vekeekhai, Bibilia ohimnye wira Owo aahinla.”

Khwira, “Vaaweryaneya sayi Owo okhala a Muluku nave khunanla?”

Miyo khwira, “Owo aari mutthu.”

“Mutthu ni a Muluku?”

⁸³ Miyo khwira, “Ayo, muhano. Munoovonya woona. Owo aari mu—mutthu arowaka vale, anlaka n’ale yanla, eyo ekhweeli, ariipi waka murima n’ale yaariipi waka murima. Owo aari mutthu. Masi okathi ookolony’awe erutthu Awe yaamukhaani, yooveya, khwira, ‘Lasaro, mukhumele ota nno,’ nto mutthu aakhwiye khuvira mahiku maxexe, khuyenya khweemela. Eyo aatthuneya onvika mutthu, ole aari Muluku mwa Mutthu.” T’ani onwera waahihimuxa alipa-ookhwa, ohikhanle Muluku? Owo ti Ohihimuwa ni Ekumi! Ti yeeyo.

⁸⁴ Ohiy’ule mphareya, Owo oryeene weiwo, okhulumunweene, ommaathaleene ottuli w’ekalawa, okathi axetwani ikonto muloko yaalamph’aya wira yaamurowa omusamiha Owo ohiy’ule, ni ekelaw’ele yaamukhaani ettelemaka nno ni nno ntoko erooya y’esupha mme mphareya mw’ettheke. Axetwani ale khuupuwela, “Nihaavara Awo vano. Awo anoorupa; ninoopwiniha nikhuru nothene.” Oh, Owo aari mutthu, ookhulumuwa, masi vamanly’awe ovenya, khuhela nnawu Nawe vantthankani, khuweha osulu khwira, “Mmaale, mwiikhalele,” nto ittheke ni mawimpi khumwiiwelela Yoowo. Ole aahinvikana mutthu.

⁸⁵ Owo aari mutthu okathi aavoliw’awe etala, khukhuruwa vamwaako, aphavelaka nipattuuxa na mukatthe wala etthu wira alye, wala efiiku mmwirini. Masi okathi okunx’awe mikatthe mithanu n’ihopa piili, khwaaliha atthu ikonto thanu, ole aari Muluku mwa Mutth’ule. Ti yeeyo.

⁸⁶ Oh, khula mutthu otonko ophiyerya wira etthu aahaamini yeeyo, mapoweeta othene yaahaamini yeeyo. Khivanxankiha mmosa olempy’awe:

Akhalaka Owo ookiphenta; ni akhwaaka, Owo
 ookoopola;
 Vavithiw’awe, Owo ooroiha itampi saka
 ottaiwene;
 Ahihimuwaka, Owo ookikhaliha naxariya
 mahaleene mahiku othene;
 Nihiku nlo Owo onimoorwa, O nihiku
 noovuwa!

⁸⁷ Eddie Perronet, yoowo sahaatumihiwa isipo sawe. Nihiku nimosa, avevelayaka mwaha w’ekusakelo y’Eroho Yowarya, aahikuxa ekaneta, khulepa esipo ya eyensi, okathi olempy’awe:

Atthu othene avuwihe owerya wa Nsina na
 Yesu!
 Malaikha ekokhorele vathi;
 Niruuihiwe nleha na omwene,
 Awarihiwe ekhara Yoowo Pwiya aatthu
 othene! (Aleluya!)

⁸⁸ Vekeekhai, ti yeeyo enaamin'ahu wira Owo taary'awe. Ayo, mulopwana.

⁸⁹ Owo aahaana waamini wa sohiweryaneya vano, vootthariha muupuwelo wa nihiku nle. Nave-tho nyuwo muhaana waamini itthu sohiweryaneya, wira moone Ekumi esya, wira moone etthu ekhumelelaka. Masi vakhala wira Owo aahisuwela...Owo aahimusuwela wira Ole aari Masu, vano sohiweryaneya sinooweryaneya okhumelela, okhala wira Owo ti Mpattuxa, ni onookhapelela sothene Owo ohimaly'awe.

⁹⁰ "Nto sothene sinniweryaneya w'ale anwerya waamini." Awo Masu Awe. Masi itthu sohiweryaneya sinoonihereya okathi onroromeliw'awe Muluku mwa Masu Awe. Ayo, mulopwana. Okathi onroromeliw'awe Muluku mwa Masu Awe, itthu sohiweryaneya si—sinimoonihereya. Muluku ahimyaru wira enookhala, vano mukupali Masu yaawo nwehe etthu, sohiweryaneya siiraneyaka. Vekeekhai sinimwiiraneya.

⁹¹ Masi nwehe, hata mwa sothene iyo, owo iirale, "Hata naanaano va, Pwiya, sothene Nyuwo sinthun'anyu onvekela Muluku, Muluku onimwiira." Owo aanisuwela wira aawenryeru paahi wiiriha Masu ale okhuma wa Yoowo. Ti yeeyo tu aatthun'awe wira, waari ophwanya Masu ale. Ayo, waari okathi awe wooriipelaxa, vano Yesu khurwa khwiihana. Oh, etthu xeeni awo yoonanse aya, ohihimuwa!

Nrowe naawehe amosa-amosa waaphiyenrye okathi wooriipela.

⁹² Aahikhala mulopwana mmosa okathi uwo, aihaniwa Yobi, mmosa wa maprofeta a khalaixa mBibiliyani. Owo aari mutthu muulupale. Owo aaha—owo aahaaphenta Apwiya, ni aahiira sothene aasuwel'awe wira. Nto Satana khuphavela omuveera, tivo owo khimulelela Muluku nihiku nimosu...Ayo, Muluku khumwiirela, ahiiso, "Mwaari vayi, Satana?"

⁹³ Owo khwira, "Oh, weetakasa n'uviravira mulaponi."

⁹⁴ Owo khwira, "Weyo woomoona murumeyi Aka Yobi? Khaavo onlikana n'uwo mulaponi. Owo mutthu a exariya."

⁹⁵ "Oh," owo khwira, "vekeekhai, Nyuwo minnimuvaha sothene, munnimwiirela sothene. Vekeekhai, owo mutthu muulupale. Masi mukihiyerye okathi mmosa, kinoorukunxa mweetelo awe. Kinoomwiiriha owo wootakhalihani, ohoolo Wanyu."

96 Owo khwira, “Khamunwerya omwiirha.” Iwo p’umuroromela Wawe mulipa-oowaamini. Mwaha wa xeeni? Owo t’Ohimala. Owo t’amahiku Othene. Owo onnisuwela emalelo okhuma wopaceryani. Owo aanisuwela wira Satana khaawerya wira. Maana, Owo ti Masu, Owo aanisuwela etthu Yobi aarow’awe wira.

97 Vano, muupuwele, Yobi, owo aahimuhaawiha ni namacici, khuwiiva an’awe, khukuxa sothene aarin’awe. Ekumi awe khumala. Hata alipa-oomukurunuxa murima khurwa, nto awo khuhiwerya wira etthu woohikhala omuulumela wira aari natampi wiphiini. Nto Yobi mutokweene khuphiyererya wiiniwa murima saana.

98 Muhaana oriipiwa murima, toko. Muhaana ophiya okathi munikhala’anyu wookiseryani w’ephiro.

99 Yobi aahiphiya wookiseryani w’ephiro, okathi iiraly’awe, “Nitakhaliwe nihiku niyariw’aka. Hata nsuwa nihaarye, mweeri ohaarye ohiyu, nsina nene nihiromoliwe-tho.” Nto mooriipiwani murima memmo, vano Yesu khurwa. Owo khuweha vathi, nto owo khwira, “Kinnoona, ntoko mutthu, ethutu ennookhwa, nave ennivenya-tho okathi w’ephovo. Mwiri waikitthiwa, onniphuwela-tho mwa wunkhela wa maasi.” Owo aahoona ekumi yothene ya miri ethhikelaka-tho okhala, masi khwira, “Mutthu onoorupaathi, khuvahererya munepa, ori yayi?” Owo aanisuwela wira aari mutthu oowuuluvala. Owo khwira, “An’we anoorwa omunlela, masi owo khansuwela. Oh, kaaphavela wira Nyuwo mukivithe mmahiye ni mukihele nipuro noowiipitheya, mpakha oviruwa Wanyu omale. Mukithanlele nikiku ni mukihelele okathi. Hiyo naahirowa. . .” Ni aatthikeleka siiso, alavulaka. Owo aari wookiseryani, w’oriipiwa wawe murima, “Exeeni yaarowa okhumelela? Mataakhuru annikhala makumi, annitthikela mmirini mw’aya, ithutu sinnitthika-tho, sothene sinnivenya, masi mutthu onoorupaathi khuvahererya munepa!” Owo aahiriipiwa murima. Khaasuwela etthu yaakhanle omukhumelela, ni owo ni munnuwelo ole.

100 Ni wiireya siiso, nto Yesu khurwa. Muluku khutoonyiherya muru awe osulu, vano owo khumoona Yesu arwaaka mahiku ookiserya.

101 Okathi yoole wooriipelaxa amwaar’awe yiiraly’aya, “Mmutakhalihe Muluku mukhwe,” nave owo khwira, “Muthiyana, munlavula ntoko muthiyana oovahuwa. Apwiya ti yaanivahale, nto Apwiya t’akunxe, nittottopeliwe Nsina n’Apwiya.” Hata amwaar’awe yaahimunyanyala. Ekerej’awe yaahimunyanyala. Atthu othene yaahimunyanyala.

102 Okathi yoole wooriipela, okathi wahaasuwel’awe waarow’awe okhuma vaavale, Yesu aahirwa. Vano owo khukhuwela, “Koosuwela wira Moopoli aka ookhala, ni wira mahiku ookiserya Owo onooventya mulaponi. Hata nikhuli naka

napwetexiwaru n'axiitthu, kinoomoona Muluku nlelo n'irutthu aka, Yoowo onrow'aka omoona mmansaka." Mwa okathi awe wooriipelexa, nto Yesu aahirwa. Ayo, mulopwana.

¹⁰³ Moise, wa Moise, okathi wooriipelexa waahimuphiyerya wIsarayeli. Owo aari avaraka muteko; khikumana ni Muluku osulu iwe vamwiiwani, khwira, "MIYO KA MIYO KOOKHALA." Owo khurowa khuwanana khula enamuna ya mitakiheryo ya Yane ni Yampere, yeererya otakiherya muteko awe. Mwa sothene iya, owo aahikhala ooromeleya wa Muluku. Vookiserya owo khuwerya omwaaminiha Isarayeli. Nto wa owo onkhuma wEjitu, arowaka mu—muttethe wa natiri, weiwo Muluku aahimaly'awe, "Munrowa okikokhorela Miyo vamwaako vaava." Awo yaari Masu a Muluku. Moise aahisuwela wira aahaana orowa vamwaako vaavale. Amen. Muluku aahimye siiso! Khaavo Farawo onwerya omwiiwa. Khaavo xetwani onwerya omwiiwa. Khiivo etthu enwerya omwiiwa. Owo onoorwa vamwaako vale. Amen! Aleluya! Kinnoona okhala natiini. Owo onrowa vamwaako vaavale.

¹⁰⁴ Siiso hiyo ninrowa Woovuwani! Khiivo enrowa oneemexa. Nnari, mulopwana. Muluku onoorowa olipiherya Masu Awe. Nkincala exeeni enkhumelela, Owo onoorowa wira, khula enamuna. Ayo.

¹⁰⁵ Arowaka, veekkehai avaraka muteko awe. Owo ori va, ookutteleliwa eriyari va miyaako. Owo onoowiriyana nto khwiiwa onyakula wuulupale ottuli wawe. Exeeni iyo? Ikaaro sa Farawo, ikonto sene, sirwaaka; ni makula, ni mavaka n'itthu siiso, wira saaphite ni saanyakatte. Iwe eri Ephareya Yooxerya, yaamukuttelenle. Owo iirale exeeni? Owo aahiri- . . . Owo aahiriipiwa murima. Atthu othene enyakulaka, "Oh, vano yooniphwanyana. Farawo onooniiva, axoowa awe anoonihoma. An'ihu animookhwa mothakoni muumu."

Moise khuvekela, "O Muluku!"

¹⁰⁶ Vano nto Yesu khurwa mwa yookhumelela. Owo aari Nlumi na Mooro. Ti yeeyo. Owo khukhuruwa khukhala vasulu eriyari ya owo ni ehasara. Amen. Owo ti Mulapeleli ahu. Owo ti Muxontteli ahu, amen, Mulapeleli. Owo khukhala vale, eemenleene vale; epiphi w'atthu a wEjitu, ale jaarwa weererya wira etthu wa yeeyo. Owo aari Waarya w'ale, wira yeetteke-mo. Vano voosiisu okathi opaceny'aya oruma ettheke vancipale, ohiy'ule, vano Owo iirale exeeni? Owo aarimoorwa mwa mukhalelo wa Nlumi na Mooro.

¹⁰⁷ Muupuwele, Owo nlelo Nlumi nenle na Mooro. Ayo, mulopwana. Okathi aary'awe elapo ya vathi, Owo aahihimya, "Kikhumme wa Muluku ni kinrowa wa Muluku."

¹⁰⁸ Vakhwiw'awe, khuvithiwa, khuhihimuwa, ni khuwela; Paulo Oowaarya, arowaka oTamasiku, aahimoroxiwa ni Nlumi nenle na Mooro. Muupuwele, owo aari muHeperi.

Khaakhanle oohimyaka ela...Owo iirale, “Pwiya, Nyuwo mw’Ani?” P-w-i-y-a ileetera suulupale, Elohim. “Nyuwo mw’Ani onimulupath’aka?”

Owo khwira “Miyo ka Yesu.”

¹⁰⁹ Amen! Aleluya! Owo ti Oopacerya ni Ookiserya. Owo nlelo mmosaru. “Woohala okathi vakhani olumwenku khunrowa-tho okoona Miyo, masi nyuwo munookoona. Miyo kinookhala ni nyuwo, hata mwa nyuwo.” Nlumi na Mooro nenlo, Muluku mmosaru avaraka etthu emosaru, ni natiri mmosaru, amen, ooniheryaka Masu Awe. “Miyo ki Ohihimuwa ni Ekumi. Miyo ka Yoole Kaakhala, Ole Onkhala, ni Ole Ontthuna orwa.” Ayo, mulopwana. Ayo.

“Axiitiithi ahu yaahilya emana mothakoni.”

¹¹⁰ Owo khwira, “Awo, othene, ahookhwa. Masi, MIYO T’ULE KOOKHALA.” Moise... Vamwiiwani waavarela, ole aari MIYO KOOKHALA. Owo nlelo ti MIYO KOOKHALA, kahi Miyo kaakhala; MIYO KOOKHALA, okathi wa naanaano, okathi wothene.

¹¹¹ Hiyo ninnoona va wira Moise t’okutteleliwa vanlothoni va, ni wira Kristu aahikhuruwa. Vano, ni Bibilia ohimnye wira, wira, “Moise aahoona o—othanyiwa wa Kristu okhala muhakhu muulupale ovikana mihakhu sa wEjitu.” Othanyiwa wa Kristu! Kristu aari Mureeriho, Logos waakhumme wa Muluku. Nlaikha, khula nammusoma Bibilia onnisuwela wira Nlaikha nle aari Kristu. Nto vale Owo aaphwanyaneya mothakoni, nto Owo khukela mwa yookhumelela, mwa mukhalelo waatthuneya Owo wiisooniherya. Avuwiihiwe Muluku!

¹¹² Owo onnoorwa olelo mwa mukhalelo, Kristu mmosaru, iisooniheryaka.

¹¹³ Owo aahaahimeerya wira aamwaakumiha. Owo iira yeeyo. Vale Owo khurwa wira akhapelele Masu Awe, olupiherya Yaawo. Vano Owo varwiiy’awe, ntoko saamwiireny’awe Marta, nto Owo khwiihana. Owo khwira, “Moise, munkinyakulelani Miyo? Mwaaleele athu, wira yeetteke.” Okathi yoole wooriipelaxa, Ephareya Yooxeerya khutthukuwa, awo khurwa mukwaha aya wira emaliherye Masu a Muluku. Ayo, okathi wooriipelexa wa Moise, vano Yesu aahirwa. Nookhalana okathi vano... Nto Owo khumwiihana Moise.

¹¹⁴ Nintthuna mukhale oowiriyana sa mulopwana mukina. Nsina nawe aari Yairo. Aakhala anceene a yaawo molumwenkuni olelo. Owo aari mulipa-oowaamini a wiphiini. Owo aanimpheenta Yesu. Aarimwiiwa sa Yoowo. Aanimpheenta Yesu. Masu, moone, owo aahiitakanxa ni muromolelo. Ayo. Owo—owo—owo—owo paahi... Owo khaawerya okhuma n’uhimya yeeyo. Owo aanaamini, masi khaawerya ohimya, tivo aahiitakanxa n’alipa-oohaamini. Masi vekeekhai owo aanaamini.

115 Moosuwela, okathi mutthu omphiyery'awe mukhalelo yoowo, imaara sikina Muluku onimuphiha veethakani. Ti mmukattiyamihoni okathi onoonihery'ahu mukhalelo ahu, ele ekhanly'ahu vekeekhai.

116 Tivo owo aari vale, owo aahitakanxa n'alipa-ooaamini, ni aahirowa khuhela nsina nawe muliivuruni, ni siiso. N'uwo aari namukuttho, nto tivo owo—owo waanimurikela okhala oohimiyaka, 'okhala wira eyo yaari ettikitti awe ya yolya. Tivo, masi owo nlelo aanimwaamini Yesu.

117 Nihiku nimosi, mwaaruusi awe khuwereiwa. Oh, wulu. Owo, vekeekhai mulopwan'owo, owo a...siiso, khino iira omwiihanneene meetiku. Meetiku khurwa, khimukhapelela mwanamwane. Etekuxa yaamutepa etepaka. Okathi vakhani khukhala oovihiwa erutthu, n'itthu sothene, vookiserya owo khuphiyerya okhwa. Owo aari aahiriipiwa murima. Aahaana wira etthu. Owo—owo khaasuwela tu etthu yo wira. Vano owo khuupuwela, "Vaakhanle wira kinoowerya omuphwanya Owo paahi, nipuro pi nipuro vary'awe." Vano khaweherenrye mpakha wiila, ntoko Nikotemu siiraly'awe, wira akhalane nvaanelo w'omeekha. Waari okathi wo wira etthu, okathi wo wira etthu waahiphiya vano owo aahaana wira nto.

118 Nto miyo kinoona wira, munna mulopwana, muthiyana, ti yeeyo vano. Okathi wo wira etthu woophiya. Woophiya okathi wo waamini wala ohaamini. Mukaano owo woovalaaniha onnimuphiyerya khula mulopwana ni muthiyana. Onnimuphiyerya khula mwanamwane. Imaara sikina mwavikanaru mukan'owo, enihala etthu emosa paahi, olamuliwa, mwavikanaru eriyari ya omoreliwa ikharari ni olamuliwa, mwavikanaru mukan'owo.

119 Muupuwele, owo aahiriipiwa murima. Owo khaasuwela etthu yo wira. Vale yaaphwanyaneya anamukuttho awe, marabbi othene yeemenle emurukurenryeene. Opatthana waari ni yoowo, othene vaavale, enwehaka mwaaruusi awe akhwaaka. Meetiku eemenleene vate, iikimanyinhe-ene matata, atathaka matat'awe, "Koomuvaha khula murette kaasuwel'aka, ni nlelo . . ."

120 Moone, aari Yesu avaraka muteko okathi wothene. Yesu aira eyo ni niwoko, wira ooniherye mukhalelo wa mulopwana mwaamukhaani ule. Nuuvira okathi vakhani, kinniwerya omoona arowaka okuxa exapheyo awe yaamukhaani yooriipa khuwara, khukuxa ekhasako awe ya namukuttho khuwara.

"Munrowa woowi?"

121 "Ki...Kirimwiiwa wira Owo ori omuro ohitto. Kimmurowela Yoowo!" Oh, wulu! Owo khurowa!

122 Okathi yoole w'oriipiha murima, owo aahaana othanla: omuhiya mwan'awe okhwa, wala owo aanisuwela wira iwe waari wooniheriwa wa Masu. Owo aari namukuttho, ni aahisoma Masu, ni aanisuwela wira iwe waari wiisooniherya wa Muluku.

Muluku ari mwa Kristu, aataanihaka olumwenku ni Yoowo. Owo aanisuwela eyo, ni aahikhanyereriwa woonana ni mwah'owo. Owo aahaana ovonya, omuhiya mwan'awe okhwa, wala ohimya waamini wawe. Okathi okhanly'awe ooriipiwa murima, waari okathi ene yoowo Yesu aarwiiy'awe. Owo khurowa omoona. Owo khwira—Owo khwira, “Kinoorowa ni nyuwo, sothene munrow'anyu ohimya.” Vano mphironi, va khunarwa namuhupi, etthu yooriipa vale. Aahihimya waamini wawe, wira aanimwaamini Uwo. Owo aahiikumaha mmansawe nto, khwiisooniherya v'atthuni nto, wira aari mulipa-oomwaamini Yesu.

123 Nto va onoorwa namuhupi, khwira, “Muhimuukhule mutthu, 'okhala wira mwaaruusi anyu ohookhwa. Owo okhwiye nsana. Owo ohookhwa. Muhi, muhipwetexe okathi ni yeeyo.”

124 Nto, oh, murim'awe mwaamukhaani waahala omaala. Masi owo khuweha khoona maitho ale a Yesu, khwira, “Miyo nkooleenleni? Muhoove, mwaatthunaka wona ovuwa wa Muluku. Munooa exeenii? Miyo kihooleelani wira kaamurowa.”

125 Owo oohimya wira aamoora. Owo oohimya wira aamwiira yeela, nto Owo ori vaava airaka. Amen. Owo aahihimya wira aamuvenya mwa yookhumelela mahiku ookiserya ni wira itthu iya ntoko Owo siiraly'awe, ntoko nisomaly'ahu nsana ohiyu nivaanenly'ahu. Owo ori vaava airaka. Munooa exeenii?

126 Muupuwele, Owo varwiiy'awe, khwhihana mw'alipa-ookhwa. Owo aahirwa mwa yookhumela khumwiihana mw'alipa-ookhwa.

Mutokweene Partimeyo ohoona, emaara emosa, aahiphiya okathi awe wooriipelexa.

127 Yesu aari iwe, khutthokiha olya wa voosiisu w'Alipa a Nakoso a Ehapari yooreera Yoomalela iwe o—oYeriko, ni Owo aari ni Sakewu weiwo. Aamusuwenle mmwirini, mphironi. Tivo okathi Owo aary'awe. . . Ahe, Owo khaarowa otthokiha-tho etthu, kookupali. Munnona? Tivo nto vaphiyaly'awe iwe, ni Owo—Owo khumukuxa, Sakewu aahirowa ni Yoowo.

128 Mutokweene Partimeyo ohoona aapacenrye ohoona okhuma okathi wary'awe mwammiravo. Vano owo uupuwela wira Yesu aamurowa okhuma mukhora yoole, n'owo aamulipelela. Nuuvira okathi vakhani owo khwiiwa onyakula vancipale, n'atthu othene erwaaka.

129 Vano aahimwiiwa namukuttho airaka, “Hey! Hey, nyuwo, munwela vamwaako vo! Mo—mo—mo. . . Hiyo ninniwa wira munnaahihimuxa alipa-ookhwa. Nookhalana mahiye ntero oosareya osulu nno. Mwaari Mesiya, mwaari Mesiya, murwe nno mwaahihimuxe alipa-ookhwa.”

130 Moosuwela, xetwani mmosaru yoole nlelo ookhala, moone, mwa mukhalelo w'etiini, enamuna emosaru. Munnona?

¹³¹ “Mwaari Mesiya, hiyo...munnaahihimuxa alipa-ookhwa; nookhalana mahiye ntero oosareya osulu nno. Murwe.” Nto, oh, atthu othene ekhuwelaka. Mmosa anyakulaka, “Hosana wa Profeta!” Mukina akhuwelaka *ela, ele, wala ekina*. Evitikavitika!

¹³² Mulopwana mutokween’ola oohoona khuupuwela, “Oh, koomuyeleela. Owo okhumenle iwe, nto miyo koona wira Owo aarowa orwa nno. Kaapwehiwe nipuro noohiloka.” Vano owo khupacerya okhuwela. Owo khuupuwela, “Owo akhala Masu, Owo Mulukuu; Owo ohaana okhala.” Vano, “O Yesu, Mwaana a Davidi, mukimorele ikharari!” Okathi yoole w’oriipiwa murima, owo aahikhuwela.

¹³³ Vano Yesu, nyuwo mwaweha va, aari oYeriko. Vaavo vahimw’aya wira t’akilaath’awe, owo aari meeturu emiya ni miloko miraru ni mithanu na miili okhuma vaary’awe Yesu. N’atthu ikonto sene eviraka voowakuva emurukureryaka Yoowo, Owo khaawerya omwiiwa mulopwan’ole akhuwelaka. Nnari. Masi Owo aahoonu esimu. Owo khweemela.

¹³⁴ Kintthuna kilaleye, ohiyu omosa: “Vano nto Yesu aahemela.” Oh! “Vano nto Yesu aahuurama.” Oh!

¹³⁵ Masi Yesu weemenly’awe, yaari exeeni? Owo aahimwiihana. “Mwiixuttihi ohoorwa. Muhuukhuwe,” yaahimye t’awiixutti, “Owo onniwiihanani. Owo onoowiihanani.” Khumwiihana vamuttitthini vale.

Owo oniira etthu emosaru vano. Ennikela saana? Munnona?

¹³⁶ “Mwiixuttihi ohoorwa ni oowiihanani.” Vano Owo khumwiihana okhuma moohoona amukelihaka mowaaryani, mw’epiphini amukelihaka moowaaryani. Nto Owo vamwiihann’awe, aahikhuma mookhwani khuphwanya Ekumi. “Mwiixuttihi ohoorwa ni onniwiihanani.” Nto vamwiihann’awe, Owo aahimuhokoloxerya woota.

¹³⁷ Mwamuthiyana aavuuva ephome, emaara emosa, vamwaako, aahihonona musurukhu awe wothene, ni mameetiku. Owo, vekeekhai, awo awo yaahitumiha e—piili. Awo yaahitumiha e—ematta, yaaheemexerya. Yaahihonona sothene saawenry’aya ni mameetiku, khiivo hat’emosa yaamureerenle etthu. Owo aamutepa voohihererya. Ephome khiyaamaala. Voohihererya, yaanithikela ehimaalaka, owo aanitepa alamwaka.

¹³⁸ Nto nihiku nimosa, akilanthi-ene vale atthukaka mannyaari, vamwaako vaakhal’awe, owo khuweha vathi vekhatoni, khoona ekalawa erwaaka. Atthu othene khupacerya otthyawa, “Hosana wa Profeta!”

¹³⁹ Owo aahiiwa sa Yoowo. Waamini onrwa mwaha wo wiiwa. Vano owo khwira, “Kinookhuruwa khanwehe Yoowo.”

¹⁴⁰ Nto okathi oronw'awe iwe, emaara yoopacerya woona Masu a Muluku wooniheriwa v'erutthuni, yaahikhala etthu mwa olavula Wawe ni ekhalelo Awe, aasuwenly'awe wira ole aari Yoowo. Ayo, mulopwana. "Oh, vaakhanle wira kaaniwerya omukuxa murima owiriyana Wawe mwa enamuna emosa, vaakhanle wira kaaniwerya omukwannya mwa enamuna emosa!" Vano owo khuvira eriyari ya muttitthi khukwannya nlaya Nawe.

¹⁴¹ Vano muupuwele, khayaari ekatha Owo oonaly'awe omukwannya. Nnari, mulopwana, okhala wira nlaya n'oPalestina ti nootaphuwa. Nto Owo . . . awo s- . . .

Petru khwira, "Atthu othene ahookwanyani Nyuwo."

¹⁴² Owo khwira, "Masi ela ekwanyelo yoovirikana. Kinnoona wira koottetheya."

¹⁴³ Yesu aahirwa. Musurukhu awe waahimala, sothene saahimala; masi okathi yoole wooriipela ephome yahaamal'aya, ni mameetiku yahaawery'aya omaaliha, Yesu aahirwa. Nto Owo iirale exeeni? Owo khumwiihana. Khunwehaweha mpakha omuphwanya, nto Owo khwira, "Nyuwo mwaavuwa ephome, masi yoomaala."

¹⁴⁴ "Owo mmosaru nsana, olelo, ni mahiku othene." "Mwiixuttihi ohoorwa ni onoowiihanani. Owo ohoorwa ohiihana." Owo aahimwiihanela okumi.

¹⁴⁵ Mwaamuthiyana veehimyeni, naamuhimmy'ahu nsana ohiyu, mirormelo sothene saahimala. Alakela, khino iy'awe aneethanu aahimuhiya, vano owo aammalaru omuphwanya aneethanu na mmosa ohiy'ule, nto owo—owo aanimuhoverya vakhani yoowo. Mwa ikano, owo aahimalamala. Owo aathuna okhala muhano eekeekhai; owo, vekeekhai, owo aakhala amusomaka Bibilia.

¹⁴⁶ Nto owo aarowa weiwo, aarowa voophiyaka ekhatiri ya iwoora muloko n'imosi. Khaawerya orwa oxakeene voosiisu okathi axithiyana oottittimiheya jaarw'aya. N'awo yaakuxasa maasi aya vamuru, ni mirinki, n'urowa. Vano tivo owo khaakhanle orowa, wiitakanxa n'awo. Awo, awo yaahikhalan nvalulo wa yeeyo nihiku nle, yooloka ni yoonanara khaaatakaxana. Ale oohifayi yaakhala opuro aya, tivo owo khaakhanle orwaaka n'akina. Khaarowa ohiiwa orowa. Tivo nuumala othene orika maasi aya khutthika . . . Owo khurwa vooreera.

¹⁴⁷ Vano nto owo khurwa vale ni mwaapu ula vamuru, vekeekhai owo aamurowa, uupuwelaka, "Vano, mulopwan'ole okithenle, wala, okumannanne aka nsana ohiyu, kinnimuhoverya. Ole mulopwana, onniira vootikiniha. Miyo—Miyo nkinsuwela sa yoowo. Nkaakhalanne okathi. Kihoomoliwa mmawaani. Ni nkikhanle orowaka ikereja iye, awo khani . . . Nkaawehaseni paahi! Nkinsuwela etthu yo wira. Nkireere oriipiwa murima.

Ni kinnikhalaka kimusomaka Bibilia; vekeekhai, nihiku nimosa, Profet'ole onimoorwa va yookhumelela. Vano koosuwela wira enihimmwa wira khiyo etthu ene yeeyo, ni ti siiso, 'Khino soopisa iyaakha emiya, ni iyaakha ekonto soopisa. Ninniwehererya okhuma iyaakha ikonto sene, nto khenakhumelele nlelo, tivo hiyo khaninwehererya eyo vano.' Sothene ti siiso, 'Oh, nnari, nookhalana ikereja n'itthu siiso. Khanimphavela etthu ntoko yeeyo vano.'" Tivo owo aarowa iwe, uupuwelaka.

¹⁴⁸ Moosuwela, okathi onimuupuwelel'anyu Yoowo, p'ukathi Owo onrw'awe wa nyuwo. Ntoko soonaly'ahu nsana ohiyu, okathi awo yaarow'aya Emawusi.

¹⁴⁹ Okathi uupuwel'awe itthu seiyo, khumwiiwa Mulopwana mmosa iiraka, "Mukiruuhele maasi oowurya."

¹⁵⁰ Ankhi iyo? Okathi awe wooriipelaxa, olakeya wawe omanleene. Khino mwaamuthiyana mmosa ooreera, aahiiwe mphironi wira akhaleke siiso. Imaara sikina khanihiyo nthowa na mwaaruusi, nthowa n'axitiithi awe, omuhiyaka okhuma siiso. Nto owo aari vo, khino maihi awe oonyokotowa othene emonreene; owo aahimalamala, arowaka, ookhulumuwa, ni khaavo aarina naata n'uwo, mwanamwane, ni khino ehantisi yuulupale ottuli wa yeeyo.

¹⁵¹ Khula enamuna, koosuwela etthu emosa, owo aahimusoma Bibilia, ni aanimwaamini Bibilia. Ni yaahikhala epyo yaamukhaani yaaphwanyaneya mmurimani mw'awe, khwira, "Yakhalakhalaru ekhumelelaka, miyo kinoosuwela." Owo aahitthomeliwa yeeyo.

¹⁵² Nkanweheni mutokweene ole Yuta eemenle vale airaka ntoko siir'awe. Waari wooriipela muhina mmurimani mwawe. Waarya woonaneya ota nno mwa miteko sawe, masi muhina mmurimani mwawe khaamini Iyo. Nto owo aari va...Moone, Waarya khawaawerya okela mpakha yeeyo. Masi owo aari va, mwaamini, aanaamini, masi makhalelo awe yaari ooriipela; okathi Waarya omann'aya, waahikumihia epiphi. Masi okathi Waarya omann'aya osulu nno, waahiriipiha voomalela. Eyo t'evirikanelo.

¹⁵³ Moone, owo aayareliwe yeeyo. Owo—owo khwira, okathi Owo omuhimenry'awe axiia akavi aarin'awe, owo...Exeeni yaakhumelenle? Naanaanoru owo khutannyeya. Khuriipiwa murima. Owo khwira, "Napwiya, kinoona wira Nyuwo mwa Profeta. Koosuwela wira Mesiya arwa vale, Owo onimwiira itthu iya."

¹⁵⁴ Vano Owo khumwiihana. Vano Owo khumwiihana. "Miyoka Yoowo, Ole onlavula ni nyuwo." Owo khusuwela ni Masu a Muluku. Owo khumwiihana mwa itampi sawe, khukela mw'Ekumini. Ni nsina nawe nri mBibiliani, ni orina Ekumi ehinkhwa olelo.

155 Owo onniwerya owiihanani siiso, okhala wira Owo mmosaru nsana, olelo, ni mahiku othene. E . . .

156 Ayo, olakeya wawe waahimala, masi nlelo aanisuwela wira Owo aahikhalana othokorerya iwe. Aahisuwela wira ole aahaana okhala Mesiya. Nto Yesu vairaly'awe, "Miyo ka Yoowo, Miyo ka Yoowo," owo aahisuwela wira aari yoowo.

157 Emaara emosa awiixutti yaari mukalawani, miroromelo sothene saahimala. Mwanankhaya, awo yaarookhuma ehikhanle ni Yesu, nto mwanankhaya aari siiso ntoko—siiso ntoko owannyawe Lasaro. Miroromelo sothene saahimala. Ekalawa yaamukhaani yaahipwina. N'awo yaamukhuwela yinlaka, nto khino elompaka ni yiraka siiso, vano overunya oserimaka, ni ekalawa esanryeene maasi, milinkotti saahimora, iphonto saahinteya, nto awo yaamuvarelana mmosa ni mukhw'awe, yinlaka.

158 Nto okathi ene yoole wooriipela, nto Yesu khurwa eettaka. Masi Owo aakhala ntoko eruku w'awo. Owo aakhala ntoko ootutuxa, ntoko erooho, vano awo khunyakula ni woova.

159 Owo ti mwaha ene olelo. Yesu onoorwa okathi w'okathi anyu wooriipelaxa, nave nyuwo munimoova Yeeyo. Khamunsuwela Eyo exeeni.

160 Awo khayaasuwela Owo aari exeeni. Awo khwira, "Oh, eyo eroohoo!" Yaamunyakula.

161 Vano nto Owo khuwiihana, khwira, "Muhoove, ti Miyo." Okathi wooriipelexa, Yesu aahirwa, Mukhaliheryo aya. Ti siiso Owo oniirak'awe okathi wothene, onoorwa okathi wooriipelaxa. Vano Yesu aahirwa khwiisooniherya Mmansawe, khwaarweela.

Petru khwira, "Mwaari Nyuwo, mukirume kirwe vasulu va maasi."

Yesu khwira, "Rwaakani."

162 Moosuwela, apatthani? Naanaano Owo onimwaarweela awo mahiku ala ookiserya. Vano, kahi yootikiniha wira ekereja yoophiya-tho okathi ula wooriipela?

163 Kinrowa ohimya etthu va. Kuhiyo mwiixuttiho. Miyo kinoolopola paahi. Moosuwela yaakhumelenle? Onoophiyerya nipuro, naanaano, mulepe nuulumo naka, yoowo miromolelo sothene sinrow'aya otakanxana muhina mwa Mwaataano wa Mulaponi mothene. Awo yaahitakanxane, khanrowa okhalana mukhaliheryo wa Mwaataan'owo. Tivo, onookhala okhottiha, ni khaavo mutthu onrowa orowaka ikereja iya, wala orowa khula ekereja; vahikhanle wira murina ekanyeryo ya ekereja anyu, khamunrowa owerya othuma wala otumiha. Munnoona siiso ntoko saary'aya, onoorwa-tho okhala, ekanyeryo ya nxeni. Nto ekereja, awo anoosuwela eyo, atthu a erooho.

164 Ni nyuwo atthu aPentekosite, khula enamuna, munnisuwela. Moopacerya woona. Okathi ikereja sanyu, mitthenkeso sinceene

sa Pentekosite; ni nkirina oromola masin'anyu, masi moosuwela naanaano va iyo—iyo sinookela mwa yeeyo. Awo yaahikhalela onamoona wira saamukhala. Nto mwairaru siiso, munrowa wira exeeni? Munrowa okhala oovahererya mwiixuttiho anyu wa Ehapari w'opatiiso wa Eroho Yowarya. Munrowa okhala oovahererya mwiixuttiho anyu wa Bibilia.

165 Nto atthu aniira mpannta khanrowa ovilela eyo. aKristu ooyariwa vasya vekeekhai anoorowa okhwa, toko. Awo annilopoliwa ni Masu. Aasuwela wira etthu ila enimoorwa. Ayo, mulopwana.

166 Vano kehiyo yootikiniha? Nto p'ukathi ene yoola wooriipelaxa, vano Yesu onoorwa khuniihana, khwira, "Muhikhale ootuthuwa. Ti Miyo. Nlelo kiri ni nyuwo. Miyo kiri va wira kooniherye Masu Aka." Ntoko Owo saary'awe okathi ule, siiso t'ory'awe vano. Owo ohimnye wira aamwiira yeeyo. Oh, wulu! Mwiixuttithi ohoorwa ni oniihana.

167 Atthu anceene aretta va, vekeekhai, akilanthé vaava, ni meetiku oohimenryeni wira khuuvo—khuuvo nroromelo wa nyuwo. Siiso mury'ene okathi anyu wooriipelaxa, masi, muupuwele, Mwiixuttithi ohoorwa ni oowiihanani.

168 Nto nihiku nimosa, nihiku nimosa, Mwiixuttihi onrowa orwa aihane khula nsina nilempwe muLiivuruni mw'Ekumi ya Mwaapwittipwitthi. Nawinyu naahikhale memmo, muhele-mo naanaano va, maana Owo onoorowa orwa aihane. Hata ale ari mmahiye anoorowa wiiwa Nsu Nawe ekhumele Ekumi. Mwiixuttihi onoorowa orwa awiihanani. Nto okathi Owo oniihan'awe olelo, mwaakhule ni mwiitthokiherye Nihiku nenlo, ti miruku saka wa nyuwo.

169 Natiri a okathi ula, Owo aahihimya wira aarowa okhala vaava. Itthu siiraly'awe, Owo aamurowa wira-tho, nto vano-tho Mwiixuttihi ohoorwa ni onoowiihanani.

170 Nrowe nuurame miru sahu. Kookhalana-tho makukhu mathanu na mosa va, masi nki—nkikhanle olavulaka yeeyo naanaano. Nrowe nuurame miru sahu. Kaahihimya wira kaamoohiyani okhuma voowaakuva, ni soovira minuutu muloko ni mithanu.

171 Tithi a Wirimu, O Pwiya, mutthuniherye wira yiiraneye-tho. Itthu iya sothene kihimaly'aka, "Yesu ohoorwa onoowiihanani." Exeeni Owo oniir'awe arwa vale? Owo onimwiihana. Vano mutthuniherye wira yiiraneye-tho, Pwiya. Muhiye Eroho Anyu Yowarya erwe eriyari y'atthu ohiy'ula, Pwiya Yesu mwa mukhalelo wa—wa Eroho. Muhiye Eyo erwe ohiy'ula yiisuupulule Eneene, vano nto yiisooniherye Eneene. Ntoko atthu ale, moota yaaminni aya, hiyo nnimwaamini, nave, Pwiya. Aakhala anceene va, khino, ahinatoko okhalana oreeriwa wenno. Hiyo ninvekela wira Nyuwo mwaavahe-tho ohiy'ula.

Vano hiyo ninvekela eyo wa ovuwa wa Muluku, mwa Nsina na Yesu. Amen.

172 Ti yeeyo, munna, masi mukeleleke ohoolo ni yeeyo. Ti yooreera. Mukeleleke ohoolo. Oh, omaala saana, atthu othene.

173 Munnaamini wira Owo ohoorwa? Owo ohoorwa. Owo nlelo onnihana arwa vale? Vano nyuwo mwaaminiru paahi. Nyuwo mwaaminiru Masu a Muluku paahi, Muluku onimoovahani.

174 Vano nkawehani, nkirina okathi wo wiihana eliinya ya mavekelo osulu nno. Kinrowa owiihana ohiy'ula, iwo, Apwiya yatthuna vale. Mwiixuttihi ohoorwa. Owo ohoorwa wira amaliherye Masu Awe nihiku nookiserya. Nto etthu Owo aary'awe okathi ule, Owo ti yeeyo olelo. Ole waari wiisooniherya Wawe wala wiisuwelihana okathi ule, t'uryaaya olelo, okhala wira Owo nlelo Masu a Muluku. Munnaamini yeeyo? [Muthukumano oniira, "Amen."—Mol.] Ni Masu a Muluku Annilamula miyuupuwelo, ni sintthun'aya murima. Ni enamuna Owo iiraly'awe okathi ule, ti enamuna Owo oniir'awe kweekwe. Owo nlelo mmosaru. Vaakhanle wira Owo aamwiira yeeyo naanaano va, nyuwo mwaammwaamini Yoowo? Eyo yaamurowa owaaminihani Yoowo?

175 Nyuwo atthu iwo vano, mukihye kiwehe toko koone sinto ookhala mutthu ommusuwel'aka, okilante nipuro pi nipuro mu, ommusuwel'aka.

176 Othene ale ari mapuro othene, osulu *nno*, ahinkisuwela, evenxe matata; nyuwo moosuwela wira nkinsuwela hat'etthu ya nyuwo, ni nyuwo munoowereiwa, nvenxe matata. Kinoona wira, atthu othene. Vaareera, vano, mwaamini. Mwaamini paahi ni murim'anyu wothene. Muhihoverye. Mukhalane waamini. Mmwaamini Muluku.

177 Kinrowa woovekelani okhala omaala saana, mukilaathi. Muhiittikinye vano, xontte muhiittikinye. Munnona? Munnona? Nyuwo mwa mu—munepa, erutthu, n'irooho. Nto erooho anyu. . . Nto Eroho Yowarya ennuuliwa muru saana.

178 Akavi anuupuwela, iyaakha sinceene sivinre, wira Eroho Yowarya, okathi waarwiiy'aka wa khooleelani? Okathi waavar'aka atthu ntata, Owo aakihimenrye wira othokorerya nno waamurwa, ni waamukelela ohoolo? Nyuwo munnuupuwela, munnuupuwela yeeyo? Masi Owo iirale, "Mwaweryaru owiiriha atthu owaaminini." Munnuupuwela mahiku awo, iyaakha sinceene sivinre? [Muthukumano oniira, "Amen."—Mol.] Muhaana waamini.

179 Miyo khumoona mulopwana mmosa, kookupali wira waari vaava va muthukumano mukina, aakilante vaavale vale. Nto Eroho Yowarya. . . Miyo kaammuweha okathi waalaley'aka. Owo aari mulopwana oorakala. Aahikhalana attootto vathi va miyoono sawe. Nto okathi yoowo opacenry'aka wiihana, Satana khimurweela mulpwan'owo, eruku yooriipa. Nto khuweha

ni maitho aka. Owo khuvenya khurwa. Ole onrowa okhala oorakala mahiku othene, moone. Vano nto, owo, aarowa ovonihiwa vaavale vene vaakhanle wira paahi—paahi... Munnona? Masi, paahi, nkisuwenle mwaha wa xeeni. Kinoona wira owo aaroomwiiwelela nwanani paahi. Masi vaakhanle wira mwaamuwerya ovenya n'uweha iruku iyo, wona itthu iyo mwa mikhalelo, moota siry'aya, ni oweha moota siniir'aya. Moone, yaamukhala...

¹⁸⁰ Vano, miyo nkinwerya ovoniha. Mutthu onooleelani wira onniwerya woovonihani, oovonya. Nyuwo moovonihiwa. Masi, ti okupali Mukhalelo wa Yesu Kristu. Vano vakhala wira Marta aanisuwela wira aawenyeru omoona Owo emara ekina, wira aamphwanya aatthun'awe, okhala wira Owo aari Masu oowooniheriwa, khanikhanle waamini voowaatta siiso ohiy'ula, waamini yeeyo? Vekeekhai, naahaana. Owo ohoorwa. Owo ohoorwa, Owo ohoorwa mwa mukhalelo wa Eroho Yowarya. Ti Yeeyo Owo okhanly'awe. Vano nvekele paahi.

¹⁸¹ Moone, osulu nno, kaakhalanne mutthu eemenleene nno, vaava va okaattammeene, paahi—avekelaka paahi; moone, atthu anceene anvekela, ari mpaani mothene. Muhaana oweha paahi. Nyuwo muhiireke wira, "Wira, Munna Branham..." Nnari, mulopwana. Miyo—miyo nkaakhanle mwiira, nnakhala nyuwo khimwaarowa oloha yooloha mwaha wa miyo. Munnona? Nyuwo pooti oloha. Nyuwo, Muluku pooti woolohihani etthu ya miyo, nyuwo munnaamini iyo, masi khamukhanle wiira mmansinyu. Khamukhanle wira, wira, "Munna Branham, kinrowa oloha yooloha ya nyuwo naanaano va." Nnari, khamukhanle wira yeeyo. Nnakhala miyo nkikhanle woonaka yoowoona. Ole okhanle t'onoovahani yooloha, yoowo t'orina wira. Ti siiso enkhal'aya ni yoowoona.

¹⁸² Kinnimoona mulopwana mmosa okilante wenna nno wokiseryani wa eliinya, iipale makhonyokhonyo. Owo aaminiru ni murim'awe wothene, Muluku onoomuvoniha wiipa makhonyokhonyo. Munnaamini wira Owo onimwiira, mulopwana? Mukilante vo, mulopwana mMeexiku, okilante wokiseryani w'eliinya, munimwaamini? Vaareera, mulopwana.

¹⁸³ Muhano okilante vakhiviru ni nyuwo, n'uwo iipale makhonyokhonyo, nave. Munnaamini wira Muluku onimovonihani, muhano? (Kiireke *ela* enruma namalwe? Kinnooava atthu ohiiwa.) Munimwaamini? Vaareera.

¹⁸⁴ Ankhi mwaamuthiyana mukina mMexiku okilante vakhiviru n'uwo? Owo onihaaxeya ni mukattyamiho wa mmirimani. Munnaamini wira Muluku onovoniha mmirimani mwanyu, muhano?

¹⁸⁵ Owo ohaakhela. Okathi onoon'aka Waarya iwe okhuruwaka, enihimya wira chiiraneya. Ayo. Ti yeeyo. Eyo eroomurweela. Ewo eri vo, onoorukurerya... [Nipuro vahiitthu mufiitani—

Mol.] . . . nniira. Munnona? Owo aaweryaka ophwanya waamini! Moone, “Itthu sinceene Owo ahaawery’awe wira mwaha w’ohaamini waya.”

¹⁸⁶ Va ookhala muhano mmosa okilante va avekelaka, vaava va. Owo orootuthuwa. Aahaana otuthuwa. Orina mukhalelo wa kankuru, vootepa otakhala. Miyo nkinoosuwelani, masi Muluku onnoosuwelani. Munnaamini wira Muluku onniwerya okileela etthu ya kankuru uwo, wala etthu ekina? Mukiwehe miyo. Aakhala anceene iwo anvekela, moone, mwaha wa yeeyo kinlavul’aka siiso. Muniwehe hiyo. Vano, ayo, nyuwo khamuhiyo a wenno, nno kuhiyo owannyinyu. Munikhuma nipuro nimosaniihianiwa Porterville, California. Ti yeeyo. Munnaamini wira Muluku onniwerya okileela nyuwo mw’ani? Owo onnisuwela. Nsina nanyu mwa Muhano Wintham. Ti yeeyo. Vano mwaamini, nto kankuru onimoohiyani. “Nyuwu mwaaminikiru.” Ti yeeyo tu Muluku onoovekel’aweni. “Nyuwu mwaaminikiru.”

¹⁸⁷ Nyuwu khamunaamini iyo ni murima wothene? Mutthu epante ela *nno*, khamunwerya waamini? Mwiixuttihi ohoorwa ni oowiihanani. Owo onniwiihanani okhuma mokhwaani wira mphwanye Ekumi, okhuma mw’erettani wira mukhale mukumi.

¹⁸⁸ Va ori mulopwana mmosa okilante ottuli nno, uuramme, avekelaka. Owo vekeekhai khoniivekelela mmansawe, ommuvekelela mutthu mukina. Ti mwa—mwaaruusi mmosa. Ti mwan’awe. Munnaamini, mulopwana? Mookhalana mukattyamiho mmettoni mw’anyu. Mookhalana mukattyamiho mmakuthani mw’anyu. Ti yeeyo. Khivantthuneya wunla, ti Yoowo ori vo vakhiviru ni nyuwu. Mwan’inyu ori oxipiritaali, kahi siiso? Mwaha wa elapaha. Mwaamini. Munnaamini? Mwiixuttihi ohoorwa onnimwiihana. Nyuwu munimwaamini, ntoko tiithi awe? Munimwaamini? Owo amuxekurye ohiy’ula, ni nyuwu. Wira emale.

¹⁸⁹ Va ori mwammiravo mmosa, mmiravo ooxeerya wiitho. Onihaaxeya n’iretta ya v’erutthuni, ni iphumu, mwammiravo mmosa mMeexiku, mmiravo mMeexiku okilante vo. Owo kahi a wenno. Owo ta oSan Jose. Munnaamini, mwan’aka? Etthu ekina, atith’inyu ari vaava ni nyuwu. Awo a mulaleyi. Ti yeeyo. Munnaamini wira Muluku onniwerya okileela nsina nanyu? Eyo yaamurowa owaaminihani saana? Nsina nanyu ti Reuben. Vano mwaamini. Um-hum. Muluku onimoovonihani.

¹⁹⁰ Mwiixuttihi ohoorwa Owo onniwiihanani. Oh, natampi, oh, muretta, khamummoona Mwiixuttihi wiisooniherya mw’atthuni, eriyari y’alipa-oowaamini? Owo ohoorwa owiihana an’Awe anaamini wira akhale akumi. Owo ohoorwa omwiihana natampi wira arukunxe murima. Namahiya waamini, mutthu a mukereja, Mwiixuttihi ohoorwa onniwiihanani.

¹⁹¹ Munnaamini yeeyo? Munnaamini yeeyo wa etthu enthun’anyu naanaano va? Mwaaminiki vale, nvenxe ntata,

mwiire, “Kinnaamini wa etthu entthun’aka.” Vano nvenye mweemele vano mukupali. Mwiixuttihi ori vaava onniwiihanani. Nto munakhaleru mutthu ti mutthu, etthu p’itthu entthun’anyu, Mwiixuttihi ohoorwa Owo onniwiihanani. Owo mmosaru nsana, olelo, ni mahiku othene.

¹⁹² Mwamuthiyan’ole aahikela mmuttettheni, khwira, “Murwe, mmoone Mulopwana mmosa Yoowo okihimenrye etthu yaavonyeieye.” Nyuwo khamukenle mmuttettheni. Murimoorwa khoona, mmansinyu, tivo Mwiixuttihi ohoorwa onniwiihanani.

¹⁹³ Nvenxe matata mmuttotopele Yoowo, mwiire, “Pwiya Yesu, miyo ka natampi; mukilevelele. Miyo ka namahiya waamini; mukikuxe mukittikihe, Pwiya. Kinnitthuna Eroho Yowarya; mukisarihe. Kinoowereiwa; mukivonihe. Kiroorakala; mukivonihe.” Mwiixuttihi ohoorwa onniwiihanani. Nvenxe matata vano munvuwihe Yoowo. Amen.

¹⁹⁴ (Munopele vakhani va, “Kinoomuttotopela Yoowo, kinoomuttotopela Yoowo.” Munnisuwela? *Kinoomuttotopela Yoowo*. Munnisuwela yeeyo, khamunsuwela?)

Nyuwo munnaamini?

Kinoomuttotoopela Yoowo, kinoomuttotopela
Yoowo,
Oh, mmuttotopele Mwaapwittipwitthi
iiveliwe anatampi;
Mmuvuwihe Yoowo, atthu othene,
Maana Ephome Awe yoorapiha khula nlepa.

¹⁹⁵ Munnimpheenta Yoowo? Vano khonoosivelani omwiipela Owo aryeene vaava? Owo Erohoo eneetteetta mpaani mothene. Owo onnisuwela mirima sanyu, onnisuwela sothene sa nyuwo. Nrowe nimwiipele Yoowo, ni murim’ahu wothene.

Kinoomuttotopela Yoowo, (nvenxe
matata mwaairaka siiso), miyo...
(vano mmuttotopele Yoowo paahi)...
kinoomuttotopela Yoowo,
Oh, mmuttotopele Mwaapwittipwitthi
iiveliwe anatampi;
Oh, mmuvuwihe Yoowo, atthu othene,
Maana Ephome Awe yoorapiha khula nlepa.

¹⁹⁶ Oh, muhano, nyuwo vakhaterani ya iroota, mwaaminiru vakhani-tho vaavo. “Miyo...” Nrowe neeserye tho omosa. Yookhala enliplel’aka.

Kinoomuttotoopela Yoowo, kinoomuttotopela
Yoowo,
Oh, mmuttotopele Mwaapwittipwitthi
iiveliwe anatampi;
Mmuvuwihe Yoowo, atthu othene,
Maana Ephome Awe yoorapiha khula nlepa.

197 Vano niipaka-tho yeeyo, murukunuwe, nvare ntata na mutthu, niipaka yeeyo, niipaka, “Kinoomuttotopela Yoowo.” Nrowe, othene ahu vano.

Kinoomuttotopela Yoowo, kinoomuttotopela
Yoowo,
Mmuttotopele Mwaapwittipwitthi iiveliwe
anatampi;
Mmuviwihe Yoowo, atthu othene,
Maana Ephome Awe yoorapiha khula nlepa.

198 Oh, mpatthani natampi, khamunthuna owela va naanaano va? Nwele munvuwihe Yoowo, nyuwo atthu othene. Nyuwo atthu othene munthuna omuhimya Yoowo ntoko Moopoli. Ohoolo Wawe, masantu ekokhorelaka mwa Eroho, khamunthuna orwa nno mweemele? Wira, “Kinthuna kikhalele onamoona, ohiy’ula. Kinthuna kinvuwihe Yoowo. Kinthuna kirwe. Nkinuuleliwa muru Yoowo. Kinthuna olumwenku osuwele wira kinnimukupali Owo ntoko Moopoli aka, vaava Owo oryeene vaava.” Murwe hiyo niipaka.

Kinoomuttotopela Yoowo, (khamunthuna
orwa?) kinoomuttotopela Yoowo,
Oh, mmuttotopele Mwaapwittipwitthi
iiveliwe anatampi;
Oh, mmuviwihe Yoowo, atthu othene,
Maana Ephome Awe yoorapiha khula nlepa.

199 Oh, ti yeeyo, muhano, murwe naanaano va. T’ani tho onrwa, Ohoolo wa Kristu? Murwe va, munna, mukhale va.

200 Mutthu mukina onthuna wira Owo akhale Moopoli awe, naanaano va, ohinuuliwa muru. Owo ohimye wira, “Nyuwo muuliwa muru mwaha wa Miyo ohoolo w’atthu, Miyo kinimuuliwa muru mwaha wa nyuwo ohoolo w’Atithi Aka ni Malaikha oowaarya.” Nyuwo mwaahuuliwe muru mwaha wa Yoowo vano, ni mwaamutthunaka ntoko Moopoli anyu, Owo oryeene vaava! Nyuwo moomoona. Ti yooreera voomalela, Masu Aneene annooniherya Eyo. Murwe masantu ekokhorelaka vano. Khamunthuna orwa?

201 Muluku ooreeriheni, mulopwana. Va onoorwa muhano mmosa mutokweene, opacenrye wuuluvala. Khamunthuna orwa naanaano?

Kinoo . . . (mwiipe vano) . . .
kinoomuttotopela . . .

202 Ti yeeyo, aximiravo, murwaaseke. Muttotopeleke paahi. Muluku ooreeriheni, muhano, ti enamuna yo wira. Muluku ooreeriheni, amiravo.

. . . iiveliwe anatampi;
Mmuviwihe Yoowo, atthu othene,
Maana Ephome Awe yoorapiha khula nlepa.

203 Okathi alaleyi anaarowel'aya atthu ala vano mutthu mukina tho khonthhuna orwa? Namahiya waamini, munnitthuna orwa, wira, "Kinnuuliwa muru mwaha wa makhalelo aka"? Owo ori vaava. Munnaamini wira ka murumeyi a Muluku? Nvenxe matata. Vano, Yesu Kristu ori eriyari ahu. Khamunthhuna orwa?

Mmuvuwihe Yoowo... (Khamunthhuna orwa,
onvuwiha Yoowo?)... atthu,
Maana Ephome Awe yoorapiha...

204 Marta, munimoorwa, wala munrowa okilaathi mpaani ni Maria? Munrowa otthikela mmuromoleloni, ni wira, "Oh, ekerej'aka kkenaamini Iyo siisa," okathi Kristu onooniheriw'awe? Munrowa okilaathi vaavo n'uhimya yeeyo, wala munookhuma? "Ahe, kinimooleelani, okathi miyo..." Nnari. Olelo, ola p'ukathi. Okhwa onrukurerya vasulu vanyu, ntoko mwaana a Yairo.

205 Murwe naanaano va! Namahiya waamini, murwe naanaano. Natampi, murwe naanaano. Ola p'ukathi. Mwiixuttihi ohoorwa Owo onniwiihanani. Owo onniwiihanani. Nyuwo muniira, "Kinsuwela sayi?" Owo onrumeela nsu naka. Vakhala wira Owo onnirumeela nsu naka wira aromole iretta, mixankiho n'itthu sikina, khamunsuwela wira Owo onniihana-tho mwaha w'etampi? Mukhume! Murwe naanaano va, ola pooti okhala okathi wookiserya munrow'anyu okhalana.


206 Emaara ekina-tho, khareere mu antthuneya wira erwe, apatthani. Nkintthuna owuulihihani muru, owiihanani siisa. Eyo kahi yooloka. Vakhala wira nyuwo imaara sikina khino... aFarisi ale yuupuwela wira yaahoopowa, masi khayooponwe. Nyuwo munuupuwela etthu yeeyo. Murwe naanaano.

207 Mukupali! Muhi, muheererye muroromelaka vakhani. Waakhanleene ohoverya vakhani mmuruni mw'anyu, muheererye. Murwe naanaano. Vano p'ukathi, vano Ephattuwelo erylene yoothukuliwa, Eroho Yowarya erylene vaava. Mwiixuttihi ohoorwa. Ohoverya iwo vakhani, ti yeeyo Owo onthhun'awe wooleelani, "Munoohoverya." Muhiye. Murwe, naanaano. Mwiixuttihi ohoorwa onniwiihanani. Ti yeeyo, mutthikele murwaaka paahi, mutthikele murwaaka.

Kinoomuttotopela Yoowo, kinoomuttotopela
Yoowo, (Khamunthhuna orwa
omuttotopela?)
Mmuttotopela Mwaapwittipwitthi iiveliwe
anatampi;
Mmuvuwihe Yoowo, atthu othene,
Maana Ephome Awe yoorapiha khula nlepa.

208 Vano anatampi erwaaka, onvekela Yoowo; atthu emuttotopeleke, niipaka vano. Ni matata osulu, mwiipe wira mmuttotopela, vano, othene vamosa.

Kinoomuttotoopela Yoowo, kinoomuttotopela
Yoowo,
Mmuttotopele Mwapwittipwitthi iiveliwe
anatampi!

²⁰⁹ Munvuwihe Yoowo paahi! Nyuwo atthu, muri va, nvekele,
munvekele wira Owo ooleveleleni. Ti yeeyo Owo onrow'awe wira.
Mwixuttihi ohoorwa onniwiihanani. Muluku ooreeriheni. 

VANO YESU AAHIRWA KHWHIHANA EMK64-0213

(Then Jesus Came And Called)

Mutthak'ola wa Munna William Marrion Branham, opaceryawene olaleeriwe ni Enkelesi Namaxexe ohiyu, mahiku yeettaka 13 mweeri wa Feveiro, 1964, mw'Autitooriyu Elliott oTulare, California, wAmerika, okuxiwe wo okaravariwa mufitani ya makineti khulempwa wothene ni nntaava n'Enkelesi. Otaphuleliwa nno mw'Emakhuwani okhumiheriwe ni okaiwe ni Voice Of God Recordings.

EMAKHUWA

©2020 VGR, ALL RIGHTS RESERVED

VOICE OF GOD RECORDINGS

P.O. Box 950, JEFFERSONVILLE, INDIANA 47131 U.S.A.

www.branham.org